

四庫全書

集部

欽定四庫全書

石倉歷代詩選卷三百九十八

明 曹學佺 編

明詩次集三十二

張 泰

疾風捲高岡

疾風捲高岡吹折梧桐樹驚起雙鳳皇分飛隔烟霧遺
雛落平沙白日聲載路生為失皇母嗷嗷向誰哺鳳去

朝蓬萊悲鳴幾回顧念誰將此曲譜入瑤琴訴持以勗
初心無令間新故

秋夕

秋風向東發夕日仍西斜鳴蟬戀餘暑歸鳥背殘霞遊
子在京邑挂釵悲物華珍重故山月飛來此天涯流光
勸卮酒潦倒還憶家迢迢江海夢泛泛星河槎道逢採
香女為余止浩嗟君看桂枝露滴着芙蓉花

菊陂卷

搖落衆芳歇其如秋興何
頽然倚閒庭叢菊滿前坡
秀色引佳氣日夕南山阿
和露殄落英陟霜生繁柯
風際展清酤靈芬忽來過
永契君子心遲暮非蹉跎
未應輟雅操聊復竟此歌

題友蘭卷

褰裳涉芳澗抱杖凌幽岑
叢蘭似相引流香被巖陰
光風吹紫莖一笑諧素心
憇茲青苔石為彈朱絲琴
楚調得新賞魯絃有知音
日暮不能別別佩之間重襟
永言託

末契市道空黃金

月出古城東

月出古城東照我白玉堂
桂樹下秋影蘭英團露光
焚香坐清夜滅燭移銀牀
皎皎美人意相思何可忘

諷草生竹間

諷草生竹間幽根相屈盤
虛通美人意穠悅此君顏
庭隅會別鵠堂背棲雙鸞
願結連枝好忘憂至歲寒

秋夜言懷

涼風入我室燈影動虛幌不知秋蟲名惟聆四壁響永
夜清寡寐悵鬱懷宿恙自非喬松質敢驚八極想託夢
遊神仙聊用超世網

寄梧塍徐尚賢

新秋時雨霽夕景月華續涼軒念吾契一別幾寒燠風
露搖琴絲清淒不成曲永懷池閣夜文酒歡未足山川
動為阻飛翰徒盈束何當覲之子錦陌秋衣綠

采蓮曲

翡翠樓臨瀾瀾水珠簾曉捲香風起靚粧搖蕩湖色澄
一樣芙蓉鏡花裏蒲深柳暗人跡稀夢歌聲裏雙鳬飛
攀紅採綠日易晚夕燈愁對文君機金羈白馬誰家醉
桂楫迎秋減芳意荷葉經霜缺舊圓藕腸欲斷絲還繫

初寒曲

金錢弄霜寒淺淺小閣雲簾朝不捲飄風赴閨羅袂單
翠襖出箱香冉冉薰爐試手龍煤溫半牀衾被愁黃昏
芙蓉落瓣荷榦充幽鳬還傍南塘宿

寒宵曲

芙蓉露冷飄香玉風襲湘簾弄紅燭銀屏圍護珮瑤聲
翡翠樓中人獨宿銅壺水澀秋點長窺窻缺月侵象牀
起拈金剪指生雪素羅無光紈段香牀前欲寫相思意
呵凍冰毫不成字梅花消息幾時來翠鳥無聲蝴蝶死
蘭薰不溫眠未能錦衾疊擁鴛鴦綾曉鴉啼醒少年夢
枕前淚積珊瑚水

河仙謠

銀河迢迢界秋昊碧沙兩岸生瑤草冰輪半浸練影寒
兔杵聲乾桂花老錦雞宮對烏鵲橋鸞車輾雲天女嬌
河西郎君雙髻小牽牛耕煙種蘭苕翠帔仙袞笑相遇
星羅斗帳穠香護羸女吹簫慶合歡羿姬獨宿啼清露
天上恩情惟此夕求巧女兒那刺促跋烏不管經年思
須臾飛上扶桑枝

春寒曲

鞦韆索上顛風生儂家小院寒輕輕柳眼低回曉凝碧

花顏欲破春無情半捲朱簾羅袖薄芳塵妬繡窻間落
安得巫山十二屏飛入瑤臺護香幕

用韻答陳克敬杏花下作

春來幾花開過春幾人復為花主人臨流問花花不語
一片已墮青溪蘋我有春詞為花發韶華瞥眼春江雪
花時不抱花影眠孤負青天送明月謫仙供奉一生中
吟花醉月愁樽空風流亦欲追清賞來趨君家山杏紅

畫馬

國人浴馬龍河津緩輿脫銜龍性馴縹鬣初晞漢庭日
霜蹄忽踏吳洲春未論千萬與百里但有雄才報知己
一躍空羣東海頭崑崙閭闔還爾遊

七夕詞

瑤宮玉露消殘暑纔過七夜涼如許廣庭兒女巧盤開
瓜水繡針香作縷上樓斜月捲簾輕煙霄幾處人歌舞
清寒漸入宮中樹六宮不眠看牛女隔河如渡彩雲軒
慚恨素娥誰伴侶

秋夕

醉起茅齋夜虛簷露氣清水搖疑月動雲過覺星行疎
草鳴蛩切寒枝宿鳥驚有懷眠未得獨坐數殘更

砧聲

誰家寒意早夜急擣衣聲少婦閨中力征夫馬上情野
風吹斷續關月伴淒清願與將軍聽開邊暫息兵

徐沛道中

滿條徐泗路野望少人煙瘦馬嘶長坂飢鳥落遠田葉

聲秋樹裏帆影夕陽邊便合乘輕舸沿流上濟川

送胡器美

立馬燕臺暮長歌一送君高楓明夕照遠雁沒寒雲贈
別那無劍論交自有文驂驪寧久屈千里會空羣

送人歸越中

驕馬踏芳塵朝珂散紫宸自沽燕市酒相送越溪人碧
益川光霽青歸野色春官橋柳初發莫遣贈行頻

睡起

睡起東堂曉浮雲竹外晴
鳥隨朝色動蛙續雨聲
鳴盡櫺緣詩懶軒窗展卷
清祇應貧與病相稱此閒
情

夏夕

林居多晚興衫綵對清觴
野竹漫藏塢溪雲低亞牆
一星螢照夜數點雨生涼
遠近藕花發逼人秋夢香

雨中聞鼎儀翰友歸近

五年濱海卧思見故人難
忽報青綈近都忘白紵寒
翻書符昨夢覓酒待新歡
猶恨西江雨深秋阻木蘭

秋夕弔儀池上

醉起北林夕重過即舊遊淺波雙鷺宿深竹數螢流裊
裊風煙暮娟娟月露秋病懷宜此景消得故人留

竹林書屋

竹裏巢棲隱蕭然君子居清風蔭生逕古意鄴侯書鳳
宿寒燈外芸香春筍餘惟應過三益著論闢玄虛

臘月二日舜咨席各賦

故人敦宿好殘歲合餘歡節序從渠暮交盟不爾寒風

前憑玉樹霜除浥叢蘭吟動先春興清觴未可乾

送徐仲山主事山東管泉

水部分司地君行得所便道心東望魯國計北通燕退
掃探元化行吟俯逝川平生四海意從此達涓涓

六日初齋夕偶成

素幔隱紅氈神清夕未眠春星窺牖入宮漏隔街傳樹
影舊房月茶杳新汲泉齋居此風景容易見年年

春雪用韓文公韻

閨月何多雪閒居每一謠
剽寒欺乍暖暴積繼前任
使山增勢休令竹折腰
花拘將艷藥柳抑半青條
鳥食迷原野人蹤減市橋
玲瓏疎樹映宛轉小風搖
冷過聽鶯日晴思墮馬
朝藉冰衣免污伏枕夢猶飄
清絕憐披氅風流憶舞綃
却須暄節健宜瑞不宜饒

吳門

萬井煙花繞故都
闔閭宮苑自荒蕪
江魂吼浪空讎越
山黛顰秋已破吳
臺下草深無過鹿
城頭月落有啼烏

英雄老去年華在海日瞳瞳水滿湖

婁城晚眺

高城一望思茫茫湖轉婁江入海長邊境到今非漢縣
古倉何處積吳糧鷗棲淺渚寒蘆淨雁落平疇晚稻香
野水閒雲吟不盡玉峰西面看斜陽

秋興

西風原野歇芳菲猶自登臨趣不稀秋水碧天涵白鳥
晚霞紅樹映斜暉樓臺幾處清吹笛砧砧誰家亂擣衣

宋玉賦成悲愈甚後人還為重增歎

春思

暖雲吹雨過蓬萊九陌風光照眼開公子春羅輕浣酒
美人蟬鬢薄沾埃花隨玉馬看山去柳插香車上塚回
惆悵西山夕陽外煙綿碧草繡金臺

寄陸鼎儀

天涯裘葛易經時多少閒情惱夢思碧樹驚風回夜館
綠荷涼雨泛秋池故人多病誰相問聖主深恩敢自期

垂白倚門俱有待
青年薄祿未應辭

明妃怨

黃金不買美人圖
留得傾城事羯胡
翠屋有春寧失寵
羶裘雖煖若為娛
琵琶淚落邊風苦
環珮魂歸漢月孤
遺恨沙頭青塚草
年年得似渭陵蕪

賦得

昭代難為事
隱淪也隨時
輩走清塵吟
邊柳絮金城雪
夢裏梅花玉
島春青史同
心懷舊侶碧
雲高詠屬幽人

東風吹破銀河凍會踏仙槎理釣緼

翰林和鼎儀見寄

鳳閣前頭碧水西翰林高致拂丹梯春深細柳鶯千囀
日午長松鶴並棲講散玉堂花影靜朝回青瑣佩聲齊
仙郎漫有同官贈雲裏飛來錦字題

送沈仲律主事南禮部

沈約高才世共稱臨歧欲贈竟何能一樽醺醪傾沙苑
五月帆檣去秣陵恍佩暫違清禁月春曹遙貯玉壺冰

風流燕寢多佳句千里懷人雁足憑

採芝圖

山中過雨藥苗肥野老尋芝踏翠微
紫艷隨風迎曉杖冷香和露濕秋衣
石田雲淺無勞種蘭逕人稀自禪歸
得向清時養眉壽療饑寧羨首陽薇

贈別蔡時中溫州佐府

南客之官去浙東永嘉山水儘相容
城當斗口雲生壘寺落江心浪打鐘
松院一琴同吏隱花時五馬勸春農

未應別駕淹高足漢署人多識蔡邕

象峰掃松送林進士誠

十年書劔五雲遊旅夢時常繞故丘天上朝回龍闕曉
越南歸去象峰秋松門月靜藤花老石逕薰風荔子稠
此去仙翁訪親舊相逢情話擬消憂

春雨

鳳城高闕曉雲低冉冉春陰欲霽遲三月輕寒疎雨送
一番生意百花知濃沾小苑煙霏滴潤入遙山紫翠移

明日水邊晴亦好
遠尋芳草寄相思

憶昨酬李賓之

狂生憶昨開懷抱
醉倒西平孫子家
紅燭盡
筵宵解榻
翠盤醒酒曉分瓜
同官久愛親知己
獨客兼能惜歲華
何日慈恩寺傍路
一樽重看藕塘花

次夜月復盛明急就

皓靈呼月上
清都斜漢疎星半
有無玉臂夜寒人
折桂
翠翎秋濕鳳棲梧
礙空樓閣開天
榜滿鏡山河擁地
圖

欲向此中分鬼類自裝瑤管畫冰壺

遊君山

雨浥芳堤不起塵暨陽城外落花新
江沙斷處舟依港
野日晴時鳥近人
繞墓未招吳季子到山空弔楚春
申
嗟餘莫訝貪臨水猶是文園渴病身

和人西湖弔蘇小

蘇公堤上駐遊踪蘇小門前幾客逢
片水獨來看屬玉
一丘誰與葬芙蓉
比將妾命秋雲薄鎖斷春魂野霧濃

江北江南盡離思
越姬吳女漫脩容

九日潘大臨句寄友人

滿城風雨近重陽
城上浮雲壓四荒
江色遠連滄海白
菊花寒傍綠樽黃
北邊笳角將吹雪
南國山川未雨霜
為報故人休岸幘
黑頭難學孟嘉狂

遊虞山至道觀

星壇松檜倚瓊梯
帝座旌旄拂紫霓
丹客眠雲金鶴老
水姬呼雨白龍啼
樓臺隱映齊梁變
巖壑憑陵日月低

倒捲水簾風滿袖山靈留我濯塵泥

午日對雨

黃梅雨裏端陽節燕子簾前解愠風
楚粽葉纏江米白蜀葵花間海榴紅
六年憂國清貧日五月齋居久病中
碧酒香蒲堪細酌破愁惟少故人同

雨中偶述

江天仲夏少晴時朝雨昏齋睡起遲
懶性畏名仍畏俗病懷宜酒也宜詩
浮階水氣侵涼簟隔舍雞聲報午炊

婦子能憐閱書倦小盤瓜菜續殘卮

度揚子江

一從捐珮涉江歸又與清江六載違
載酒重來多病後壓堤依舊衆山圍
樓臺水市蒼煙集草樹沙汀白鳥飛
不盡棹歌滄海興廣陵沽酒送斜暉

南湖耕隱

錫山老人世事疎服田力穡住南湖
初耕穩辦醉鄉料未祭已還官府租
草澤樵漁為逸侶茅茨經史作農儒

似嫌沮溺終忘世肯放兒孫涉仕途

秋郊

細雨輕塵郭外秋危橋下馬涉寒流長堤送客宦情倦
野寺逢僧清興留一徑午陰幽入樹滿庭詩景快登丘
放懷無限江南意只欠菱歌上小舟

朝回

朝回布襪一官閒近闕清門不用關沒骭雪騎羸馬過
滿鱗冰買凍魚還得沾微祿強賒酒不起高樓亦看山

明日又迎長至節獨愁空使二毛斑

初寒有述

寒燈影裏雁聲秋半夜西風起北樓萬里漫添胡馬色
幾年渾減朔方憂關河積水連天迴城闕疑雲拂曙浮
細雨朝回問裘褐老郎慚為病軀謀

鼎儀來并居新樓成與文量登賀次韻

長愁風雨亂憂端九日晴明望眼寬益喜故人連宅舍
肯于高處置欄干菊花甘冷黃非晚客鬢經時白不難

渾得醉歌酬雅會未妨簷月照空盤

送張克謙郎中治水利山東

短髮青袍水部郎遠將能事報垂裳
龍湫百眼泉歸漕鯨力千秋石作防
一路風霜重奉詔普天齊魯最經荒
山東憲府貪才俊國計應勞細與商

為鎮江唐惟敬題一泓亭

江郭喧喧此室幽當階一水淨涵秋
晴看細浪搖花慢夜汲寒星落茗甌
未惜草書供渴兔最愁橫吹覺潛虬

題詩為問唐清叟還許濠梁作勝遊

周評事母墓有橫塘煙靄之景邀余賦

隴外橫塘帶曲堤春深煙靄正淒迷浮林曉入寒松濕
到野晴和碧草齊遠水長雲悲鶴去空山易暝乳鳥啼
花輿幾度遊魂在腸斷蘋香浦日西

齋夜先宿西朝房次夜宿翰林廼寄西僚

東西齋邸半同年莫訝孤踪愛屢遷十載稀逢通夕話
一燈真喜對牀眠茗泉虛接春甌飲蘚浪慚陪石鼎聯

病宿舊房還取便未應蕭索各來篇

慶成宴次韻

紫壇郊罷詔開筵禮盛清朝樂奏仙袞服晝臨周陞九
宮花春覆漢官千瑤池酒煖金杯散阿閣春晴彩仗聯
淺薄也分珍賜出敢忘歌頌奉堯年

松隱

丈人幾載植霜根老樹今為衆木尊偃蹇坐忘梅歲月
高寒能蔭竹兒孫隣翁對飲分花味海鶴頻過動薜痕

絕却塵絃風奏曲祇應幽趣此中論

柳絮

隱院遮宮萬柳垂晚春天氣絮霏霏不和塵土初粘雨
得弄晴光未落暉夢斷流鶯雲捲幔宴酣歸騎雪圍衣
未應撩亂迷人眼輦路分明到瑣闥

送孔熒知曲阜

化起中都自昔聞風流曲阜得賢頻宗家薦達非干祿
聖世榮歸不問津琴酒來歌顏孟氏衣冠迎賀魯鄒人

遙知賦入豐時祀露冕年年沂泗春

是夕得文量八音述病之作明日用韻自述以

報

金馬門前散早朝石渠高閣夏雲銷
絲綸有道階漸近竹素無功珮懶搖
匏汲宮泉分雨氣土懷濱海望晴寥
未除消渴驚秋至木落虛庭響碧瑤

長安春望

長安馳道歲華新馬色朝光動暖塵
苑外連山青向闕

宮前流水玉為津
城煙秀麗籠金瓦
橋石晴乾響畫輪
幸爾滄江多病客
行看天上四迴春

送金進士楷之涪州

出門初拜大夫官
美政高文屬妙年
州瞰巴江流素月
人吟蜀道上青天
松屏壓簾延羣從
荔豆登堂謁四賢
惟向古人求不愧
肯干霄漢急鵬騫

悼內

薄宦無能愧有家
霜風驚悴合歡花
海圖猶念縫雛褐

鄉路空期挽鹿車心緒每勞愁客計鬢絲曾不待年華
漸生知識兒曹劇誰共寒燈笑語夸

病中聞謝予在病不及赴齋居有作

雅望榮名謝朓兼春來多病阻相瞻青綾顛倒卧寒館
宮漏東西驚夕籤風后清郊仙蹕迴省僚齊處玉堂嚴
隨行賦韻俱無及枕上憐君藻思添

題畫送人還蘇州

片楮丹青意有餘新題猶索老夫書半黃涼葉西風裏

一碧晴空朔雁初
川路秋行寬得水
吳人船坐穩于車
猶憐倚棹寧親日
霜落長洲足稻魚

送用常至東門用常未出飲于道館

朝回東路踏初陽
下馬靈宮日滿廊
雲夜破愁深竹色
涼颼吹面落楓香
臨行柱史車何後
屢舞山童曲未央
坐失佳期得幽賞
還勝餞罷立滄茫

和文量韻送客

別酒難醺差勝茶
不勞歌板聒人挝
兵曹出使劔橫雪

文客錢行囊載霞春草中原肥萬馬東風行路過千花
定知幾處懷青瑣趣駕津亭聞曙鴉

送尹內翰姻戚

高雲不滯去來蹤幾許交親帝里逢朝士或憐君尚健
門生多念舊相從見幾心事牀頭易投老生涯陝右農
晚節此行誰可並嵯峨山雪對寒松

謝張儀曹枕頭席

腦汗長嫌布枕黏荷分涼席勝傳縑織從溪叟連紋密

綠出吳姬碧縷纖
南浦露香生夜帳
西堂雨氣透疎簾
塵中十載青山夢
委髮春泉睡越甜

題揚州胡指揮梅花卷

廣陵堤上繫蘭舟
酒醒寒生紫綺裘
淮樹雪晴衰柳盡
江花初動早梅稠
推蓬有客初橫槊
吹簫何人暮倚樓
却笑杜陵無健步
空憐何遜在揚州

中秋謁陵行值泥淖

病客秋乘白鼻騮
惟愁路險不愁賒
亂蹄交處逢深淖

細水流邊得淺沙穿巷輕裝嫌樹礙出林團幔愛風斜
還憐快意千峰曉曠望平原踏野花

至昌平留宿廖指揮宅

下馬昌平日向斜郭中多樹少逢花輕衫短笠將仙侶
畫戟清香宿將家蓬髮玄黃半塵土吟腸冷暖幾茶瓜
老郎清醒還耽睡孤負山城月有華

贈寫真高司訓之任滇南

隨計風塵思不羣儒林藝苑自清芬脫身薄尉高書記

餘事丹青鄭廣文瀛海鴛鴻知彩筆炎州檉桷待雲斤
試從都講觀三鱸却上凌煙寫異勲

八月十七日

夜閣鳴鐘闕九關秋墀斜月照東班
早時清切聞天語猶未分明識聖顏
待旦思兼姬孔上憂民心在舜文間
還知問寢慈闈曉笑語生孫勅載頒

清景

急雨飄風小作寒依然清景在人間
通宵睡起看明月

連日朝回見好山愧我晚于詩律拙可誰秋伴酒樽閒
本無能事求知已敢惜微官了壯顏

和舜咨留別之作

陳情即荷厚恩歸問寢行瞻八座巍內酒已供遊子餞
御香猶在講臣衣三山路指江梅發二月帆先海燕飛
君比同時聞達早移忠稱報莫遲違

宿蕭工部厥廳待文廟祀

茶果供談燭映屏美人相款宿寒廳朦朧林表初弦月

隱見雲間過雨星起望招搖知夜午行隨冠佩祀秋丁
初心向道頻中止遲暮吾慚踐孔庭

過鼎儀值雲席間用韻

晴雲滿戶到君家下馬南風尚卷沙
驀地輕寒能作雪教人二月未看花
醉驚塵海飛春浪興想溪山載月華
不信陸郎無鶴氅借余歸踏太清霞

屏山老人詩用李賓之韻

老人曹時中父

歲晚開園傍玉屏朝朝仙嶼眼中青
九峰分秀來空翠

森木團煙隱鶴汀東老自為仙隱地南山宜作壽藏銘
有生期與人同樂不飲常防客共醒文屨長年盈我戶
惠風遲日散隣局並榮華萼知春足連秀芝蘭覺地靈
雅望滿鄉稱長者德言康俗勝官刑義聲津口垂虹石
仁術囊中本草經載悅鳳毛晞杲杲坐忘烏帽裏星星
屏山有叟增光價千載應看似敬亭

長門春思

露重花垂泣煙深柳暗顰如何清禁裏有此斷腸春

獨立

疎林遠煙暝歸鳥收夕喧獨立戀餘景幽抱與誰言

春日睡起

春眠仍值酒初酣奈可梁間燕二三好夢斷來何處續
落花風雨滿江南

足夢中句

挾笙吹鶴度瀛州霧濕雲窻玉女留夜半酒醒人不見
滿庭明月桂花秋

京中春

輦路輕塵撲馬鞍
酒房花市繡成團
一家樓榭東風裏
多少春愁隔畫欄

題畫竹

九疑山碧楚天空
江上佳人思不窮
日暮南陵脩竹冷
鵲鵲聲裏起秋風

東風

最是東風管別離
年年吹發綠楊枝
行人去日曾攀折

每到春來有所思

宿雁圖

理卷霜毛宿晚汀
旅魂應自繞秋冥
西風莫攪蒹葭水
月苦沙寒易得醒

折梅有感

欲賦閒情思苦遲
却將多病恨芳時
誰言句律春來細
開過梅花無好詩

海城春望

金史曰唐李賀
卷三百九十八
一帶浮光界遠田數村花柳簇春煙誰家酒幔招人醉
搖蕩東風出樹顛

題雪蓬

寒波渺渺帶銀沙醉裏人乘白玉槎一色綴珠三萬樹
江天何處認梅花

舟中暮歸

斷柳殘沙不掩堤葦叢幽梅水禽棲半江斜照將秋色
相送歸船到竹溪

若耶溪

南風雨過若耶深
蓮女菱歌亂別心
後夜繁霜凋綠蓋
洞房歸去理秋砧

題菊圃

結廬人境似陶潛
卧起幽窗雨一簾
盡日寒香風引至
隔籬黃菊幾花添

題畫

石牀幽許山靈護
書閣晴當峭壁開
白日高林清嘯罷

海雲飛過翠屏來

題松泉梅鶴圖為吳中書

一壑風泉隔暖塵
兩崖煙雪護幽春
山空月落崢嶸際
老翠寒芳自結隣

題畫

遠山隔樹高于隴
墜石當溪響亂泉
欲脫塵衣此中去
滿庭黃葉寢秋眠

題雙竹贈潘栗夫

翠竹凌寒節不孤
雙溪明月照扶疎
署郎清思煙花外
時傍秋陰讀道書

聽雨亭為吳汝賢

雨未來時思只清
豈無高興向新晴
祇應當日名亭意
偶聽圓荷葉上聲

二陸來酌聞隣家絃索聲

夜闌燒燭對殘樽
欲罷猶憐客未醺
隣舍兒童能解事
琵琶聲裏惜離羣

又

酒淺燈寒醉不成
隔牆絃語若為情
太平兒女中原樂
不是蛾眉出塞聲

重詠楊妃菊

冷香微艷謝荒淫
誰遣狂心改道心
應向驛途零落怕
至今幽處托根深

石倉歷代詩選卷三百九十八

欽定四庫全書

石倉歷代詩選卷三百九十九

明 曹學佺 編

明詩次集三十三

姚綸

夫子學師襄琴圖

周衰樂廢缺正聲幾湮沈苟無獨識者世遠將焉尋所以孔夫子俛學師襄琴初彈猗蘭操再鼓文王音至和

格鳥獸踏舞娛人心此圖寫遺意山高流水深披玩發
長嘅視古猶視今

春閨怨

春閨無人春日長鶯聲恰恰啼垂楊美人睡起倦梳洗
芳容嬌褪梅花香綠雲鬢髻釵半亸蛾眉蹙處開愁鎖
繡奩塵掩秋月輝口脂紅淡櫻桃顫玉笙何處吹伊涼
紫騮驕嘶隔粉牆停針懶刺雙鴛鴦倚欄躊躇空斷腸
守宮點腕紅凝血一寸芳心萬愁結宜男正開郎不歸

東風滿地梨花雪

雪景

寒空飛雪滿天地
玉壺中一色梨花月
千家柳絮風
山童候虛牖
吟客載孤篷
試問陽春曲
何如白戰工

畫馬

何年來駿骨
畫史貌能真
千里電一掣
五花雲满身
香塵金谷道
青草玉關春
獨立渾無侶
長鳴似向人

華山高腫圖

白雲深似海長日睡夢騰脫帽露雙髻支頤曲一肱聞
鵲時已定化蝶夢無憑惆悵華山頂無人得解登

題畫

風景蒼茫地人家遠近煙雲低長碍樹江濶欲浮天白
日消棊局青山落釣船平生蕭散意對此轉堪憐

紅白荷花

鏡底新粧扇底歌倚風無力舞婆娑醉來西子容偏媚
老去秋娘髮已皤霞暖繡衾春夢雨雪香羅襪曉凌波

分明太液池頭見點染風流更覺多

城市山林為玄妙觀羽士賦

步入東關一徑深始知城市有山林黃梁不作塵中夢
白日長閒世外心鳳載紫簫吹落月鶴窺香靄聽鳴琴
人間只此為蓬島何用仙槎海上尋

雪洞

一室穹窿覆地圓宜留小榻坐神仙鑿開巖甕渾無物
踏破冰壺別有天梅谷花香春似海梨雲夢穩夜如年

幾回酒醒燈殘後錯認瑯樓深處眠

江湖勝覽卷

江湖隨處豁吟眸不滿詩囊卒未休
日下風雲瞻魏闕淮東歌舞認揚州
一蓬疎雨鷗邊晚千里殘霞鷺外秋
見說武昌城畔柳尚含青眼待重遊

竹石山房

山房種滿碧琅玕怪石相依更好看
玉氣暖蒸雲五色翠梢晴弄日三竿
白羊未化長眠雨綵鳳雙棲不畏寒

補徧蒼天人不老清風日日報平安

聯璧卷

仙子瑤臺玉一雙碧桃紅杏遞生香絳綰拂地春同步
寶鏡開奩曉並粧織翠舞衫封蛺蝶泥金歌扇畫鴛鴦
卷中乍識春風面惱我題詩一斷腸

醉月樓

清夜何須秉燭遊且邀明月共觥籌口吞丹桂婆娑影
手掬金莖沆瀣秋天上無梯登兔窟人間有地築糟丘

醒來不記更深淺驚見東方白滿樓

秋閨怨

黃葉滿階秋已闌
征人千里隔長安
年年怨殺西風雁
不送書來只送寒

脩竹仕女

瑤臺無信托青鸞
一寸芳心思萬端
莫向東風倚脩竹
翠衫禁得幾多寒

梅花小幅

貪看壁月挂梢頭幾向花前倚醉遊
無奈翠禽啼處苦
不容清夢到羅浮

團扇仕女

濃黛消香淡兩蛾花陰試步學
凌波專房自恃傾城色
不怕涼風入扇羅

姚綬

題湯公著都門話別

憶昨都門別雨雪正霏霏
今我湖上逢春風吹羅衣
故

里詎弗樂疎戚聚成圍藉草對山花羽觴急如飛一醉
萬事忘扁舟蕩斜暉天涯同氣人濡滯未得歸處世誰
足意相顧聊歛歔

為朱良貞題扇

考亭夫子安亭來愛我溪上紅蓮開手搖羽扇坐忘暑
戲折碧筒間作杯碧筒杯寬任鯨吸却嫌玉童催飲急
李云處世若大夢杜曰舉觴須累十白日欲下清風徐
我懷與世同卷舒如何苦索題此扇大呼墨卿當醉餘

為君遙想白鹿洞那得武夷清景共還期月夕究忝同
似此前脩足珍重

折枝芙蓉

芙蓉花隔江水美人盈盈幾千里何年濯錦墮新紅水
面西風吹不起我欲牽之在木末方舟翻愁江水濶何
如只去采芳蘭落日望見湘南山九疑重華招不還萬
竹灑淚空潸潸芙蓉花似人面柳眉不在秋時見墨池
為爾閒寫生鴛鴦鎖合長生殿重咨嗟芙蓉花擲筆浩

歌行踏沙

題畫為楊司訓作

煙光漾風青入樓立馬回望湖山頭遊絲飄飄幾千丈
不繫白日增人愁春愁大半行樂少渡口桃花鏡中老
勸君盡醉如杜陵莫待春歸怨啼鳥

桐村小隱

河流南入市逕路北通村新結草堂好舊栽桐樹繁
兒童知稼穡鷗鷺識琴樽有客問奇字乘舟直到門

遊虎丘

舟行忽到寺門前，侵曉梳頭廢晏眠。
老去已閒題柱手，平生多結看山緣。
苔茵坐藉生公石，茗枕湯分陸羽泉。
如此深春如此樂，還留餘興待明年。

和靖觀梅

人人盡識林和靖，不識平生隱者心。
老去喜無封禪藁，興來愁費愛山吟。
梅花香影依然在，蔓草祠堂不可尋。
今日匆匆書弗盡，六橋斜日滿疎林。

菩提寺與雨菴夜話

菩提絕似古招提兩履行來自不迷
舊伴閒雲歸竺國新添流水入曹溪
何人謾放雙鳬去老我還同一鶴栖
刻燭相看過夜半廿年心事重留題

奉寄荆門判俞君汝欽

解攜三度見秋殘開過黃花獨倚闌
寄贈雖無青玉案相期惟有紫宸班
書從回雁來千里望繞荆門隔萬山
宣室求賢正如渴佇看明詔為催還

慈烏

昔烏巢我樹母在慈烏來無母今何恃惟增返哺哀

折花仕女

愛濯薔薇露凌晨試折來低鬟猶未插含笑倚粧臺

題竹寄內弟公操

憶共江南水竹居清風三逕黑甜餘而今對畫思兄弟
縱有雙魚莫寄書

常山道中

鳥未投林日未曛松頭野鶴自成羣肩輿歸去身強健
處處青山有白雲

為僧題畫

問渠何事懶參禪答我新來結懶緣窗外日高啼鳥亂
擁衾猶伴白雲眠

枯木竹石圖

秋風吹空古樹葉白雨壓低新竹枝淨掃石頭看霽色
滿襟涼影鬢絲絲

周鼎

代方文美送滎陽陰璽下第歸

與爾業同經同期虎榜榮相看雖失意為別謾多情
伐木歌黃鳥看花倒玉觥驅車向宛洛吾棹亦南征

春日見楊花寄章文重

見說浮萍草前身是此花但因隨驛騎轉覺戀鷗沙
宛冉青春暮微茫落照斜憐予根蒂薄相值共天涯

赤壁圖

月出大江流鶴鳴天宇秋霸圖餘赤壁逐客自黃州
顚仰違金馬登臨命玉舟曹劉顧安在身世亦何求

淡菴

尋君秋色裏煙雨舊柴扉婦具盤蔬出童攜市酒歸
彈琴忘巧拙得句學陶韋笑指溪頭水交情似爾稀

怡榮

何以悅親顏兒從闕下還玉壺春酒綠金織舞衣斑
愷悌松外從容問膳間令人自興孝喜色滿家山

南浦煙蓬

推蓬南浦上煙雨淡離愁蕭瑟菰蒲晚微茫澤國秋魚
鹽通縣市簑笠語隣舟無限林泉意凭軒下白鷗

水榭荷風

十頃澄波上何人為築臺藕花開自落鷗鳥去還來涼
吹飄飄入疎窗面面開煩襟淨如洗更進碧筒杯

送黃給事暉奉使滿剌國封王

遠國來王日深恩冊拜時璽書中禁出天語使臣知路

指諸蕃近山行四牡遲故人青鎖夢無限五雲思

其二

使節隨重譯皇仁被百蠻海天同日月風土異雲山驛
騎孤城外樓船疊浪間歸將慕華事數奏悅龍顏

送僧歸崑山

乞食遍京畿春江一棹歸只留吟後稿不受施來衣物
外機應息塵中跡漸稀玉峰知到日花雨積巖扉

贈別

釃酒酌江波中流發浩歌孤舟天際遠芳草雨中多解
劍酬知己題詩贈舞娥人生百年爾為樂莫蹉跎

高郵阻風騎行至界首驛

策馬湖堤上來帆拂去鞍斷楂依浦淑衰柳映風湍軒
冕追隨易庭闈致養難年年好秋色多在異鄉看

答王公佩見寄

池上綠陰肥天涯客賦歸心隨流水遠跡與故人違千
里復萬里斑衣當錦衣終焉林下夢不逐五雲飛

留別張廷端

野亭芳樹下崖石大溪南客去閒秋色雲來作暮嵐誰
家留信宿何處倚清酣拾得琅玕竹時時寄一函

夜坐

不寐坐來久無家席屢移窗風書葉亂簷雨漏聲疑客
鬢驚秋早鄉心欲旦遲扁舟滄海上誰和竹枝詞

春懷吳天使

紫泥封詔下彤闈四牡駢駢出帝畿到處江山開霽色

隨車花柳映春暉
鶯啼水驛人相憶
荔熟炎鄉客正歸
珍重綈袍情戀戀
此生慚與寸心違

寫懷

終日攤書懶下樓
春來懷抱冷于秋
未能栗里歸元亮
爭說新豐寓馬周
兩屐青山應自遠
半簾殘月為誰留
東風莫遣楊花落
飄蕩年年可暫休

武林歸興

青山日日開圖畫
住久山中亦厭看
回首鄉園歸去好

惱情風雨別離難悠悠杯酒陶潛醉戀戀綈袍范叔寒
如此春光又啼鴂興來何必盡君歡

憩秦溪道院醉書壁間

徐福樓船去不回海門東下浪如雷青鸞自倚瑤臺舞
紅藥何須羯鼓催劫火淒涼化焦土重泉寂莫葬寒灰
神仙未隔人間世爛熳花前酒一杯

聞教諭見訪

故人風誼重丘山車騎遙臨巷陌間酌水也能留客醉

看山何必待官閒傳呼列炬春生屋指點嚴城夜啓關
記得鴛鴦湖上月為君三日未言還

賀美之見訪

賀家湖上看稽山影落芙蓉清鏡間天寶諸公同禍亂
四明狂客自高閒翠華南幸幾亡國紫氣西來欲滿關
今我逢君重弔古酒船明月且忘還

安亭朱良貞母節義

節于夫盡義于姑節義方能保二雛人隔古今名獨在

月分圓缺影同孤未忘一日心先死相見重泉淚始無
環燕紛紛爭入畫等閒曾有柏舟圖

陶耕學紅白荷花扇面

欲語還停隔扇羅主家池館晚涼多紅顏自得南薰意
皓齒偏能子夜歌忽憶綠雲湖上見恍疑瓊佩月中過
淡粧濃抹多相似回首耶溪渺淥波

登靈巖山訪張伯雨墓

飛神曾謁紫宸朝下上瑤天幾泐寥火宅已空誰墮甌

玉鉤初解自成橋，千峰月色還相照。
萬古詩名耿不消，欲共山頭黃鶴語。
颺輪何日可予招。

陳希夷

嶽蓮清入夢，倦眼為誰開。
五季紛紛盡，真成一覺來。

武侯出師表

王業偏安日，文章爾獨醇。
諄諄似伊訓，初志亦耕莘。

書

池水欲成墨，古碑臨罷時。
閒從崖石上，風雨挾蛟螭。

畫

畫裏還看畫都成物外春雲山落吾手非贗亦非真

野興

鷗白野雲輕高雲缺樹明無人到湖上聽我唱歌聲

睡起

只為詩魔在昏昏眼倦開誰將春草色青入夢中來

晚坐

胡牀高柳下團扇入懷新笑指纖纖月蛾眉學未真

寄陳秋鴻

閒事莫輕涉困來思喫茶誰將雙蛺蝶管領野棠花

斑竹

聞道湘妃淚如何染得成多應春夜雨消盡又還生

楊妃醉歸圖

金鞍欲上更遲遲滿鏡春風擁侍兒一種餘酣消未得
漁陽醒眼却多時

楊妃醉仆

妖環不醉三郎醉銀燭高燒看海棠滿地閒雲扶不起
楚臺無夢夢漁陽

王母蟠桃

周王八駿不能留青鳥飛來漢殿秋自是桃花非一度
等閒三被朔兒偷

楊花

淡淡東風又落暉留春不住送春歸無人更上長亭飲
惟有楊花在客衣

宮詞

露下閒階華月明相呼女伴作雙行歸來小院閒相語
幾度庭闌夢不成

不敢殷勤拜露香滿衣涼月動輝光初時被選同年者
已有升居在繡房

準擬明當直曉班巧隨新樣學宮鬟笑渠鴟吻東邊月
也作西樓子夜彎

莫打流鶯宮樹陰鳥中惟此鳳韶音時時啼向房櫳近

免得春愁上妾心

蔡琰歸漢圖

縱多文思出天機
贏得胡笳淚滿衣
萬里歸來身再辱
不如青塚不言歸

子陵

竹帛勲名已有人
可無能友不能臣
一絲千古桐江月
多少清風激後塵

狄仁傑

殘局爭看一子留
唐臣終不為周謀
夢回鸚鵡誰能識
還倚雕籠說舊愁

唐太宗六驥

百戰功成四海安
君王方念守成難
驕驕盡入飛龍廐
時復牽來仗裏看

石倉歷代詩選卷三百九十九

欽定四庫全書

石倉歷代詩選卷四百

明 曹學佺 編

明詩次集三十四

陳昌

陳烈女辭

懿彼女蘿草託根空谷中青青好顏色相將附長松長
松何矯矯女蘿仍嫋嫋同根諒同心百年願終保豈知

賦命薄嚴霜殞飛霍長松竟枯死女蘿安所託上有孤
鳳巢中夜聲啁啾豈無他山鳳不如我同儔同儔日已
遠未得成繾綣天寒音信稀寤寐空展轉生既無所依
死亦無所歸不如自雉經同向泉臺居泉臺倘相見庶
足償素願昔如單栖鵲今作雙飛燕我觀烈女詩日落
悲風來欲上望夫石哀哉首重回

泰山

五嶽岱居長自古稱泰山巍然表東極可望不可扳七

十二代君封建猶孱顏中有玉冊書竊弄造化闢讀之
可毛羽昇仙諒非難

擬古

鶉火既云退零露日以濃草蟲促經緯鳴我堂之東昨
日髮尚玄今朝已如蓬人生非金石安得長壽終不如
飲美酒委身大化中

進脩齋為彭進士題

玄化無停機四序迭交易青春幾何時髮髮颯已白有

生穹壤間滿者孰能百胡為勞其生汨汨受形役務學
須及時萼萼在晨夕尺璧諒非寶寸陰當是惜彼蚩
蚩氓白首竟何益擿埴類冥行俚俚奚所適周公古聖
人尚能戒無逸進脩苟力勤終造聖賢域

蘭玉軒為劉世亨題

種花須種蘭蘭香頗清遠采采被葳蕤安能浼幽艷種
樹須種玉玉性頗溫潤抵鵲奚足多連城價難論玉可
藉旒纁蘭可充佩褱所以古君子比德良自宜

車遙遙

車遙遙去何之丈夫年少輕別離袖中三尺青蛇躍立
功成名須及時出門千里萬里道蕭颯長亭短亭草不
恨緇塵染素衣但謀官執金吾早長安二月千花開龍
樓鳳閣黃金臺康莊之衢容九軌諸侯冠蓋紛如雷知
君心戀君恩富賤妾先陰等閒誤願君太行雲棧無崎
嶇遙遙車行復回顧

孤鳳行

丹山兩鳴鳳五彩好羽儀朝飲玉池水暮栖瓊樹枝一
飛九千仞鳴聲何啾啾自從故雌斃其雄錯莫無光輝
天寒歲晚竹花死鳳兮鳳兮將安歸

寓古

君不見唐家開元全盛時長安坊中賣餅師有妻淑德
頗溫潤一朝選作寧王妃身居椒房豈不樂紫雲步障
流蘇幕歲時忽遇舊良人紅淚飛花泣然落又不見荀
奉倩經年不見同心面青鸞鏡破難再圓中夜相思寄

哀怨人生伉儷如鴛鴦豈知中道成參商伯勞東飛燕
西去黃姑織女空相望空相望向何處長歌一曲白頭
吟花落棠梨淚如雨

擬古

綠窗有貧女年紀方及笄不復理鉛粉學上流黃機流
黃機頭中夜織萬縷千絲望成匹豈知絲斷頭緒多背
立孤燈向人泣一朝媒妁相通辭嫁為西家蕩子妻蕩
子此離不復返三星在戶愆佳期君不見紅顏自古多

命薄愁見花開又花落

題江湖勝覽冊

馬卿子清而癯狂非迂非迂不愛養浮丘伯之黃鶴
不愛釣任公子之巨魚年來只愛江湖居江湖風月足
清興筆牀茶竈尋常俱船頭紅拂唱巴曲船尾黃帽歌
吳飲歌吳飲唱巴曲妙舞清商間絲竹白日歡遊殊未
足復向黃昏秉銀燭人生處世如白駒百年過隙何須
史功名富貴草頭露爭如周流四表窮八區朝發金陵

城暮薄瓜州埠三山天末聳青螺二水中流分白鷺金陵自古帝王州虎踞龍蟠王氣浮六朝割據不足數大明建國如金甌片帆明月發京口鐵甕城南試沽酒扣舷迤邐過南徐遙望姑蘇隔楊柳楊柳荷花滿目生西施去後有誰爭憑高弔古日將夕寒山寺裏來鐘聲鐘聲悠悠斷還續且向垂虹橋下宿三高出處但聞名欲采江籬奠醺醪

題梅泉

君不見東家郎千金買得姚家黃又不見西家子萬金
買得魏家紫姚黃魏紫雖繁華金多方纔買得花一朝
金盡花亦盡東家胡蝶飛西家爭似東陽隱君好不種
閒花與閒草屋頭梅樹八九株舍下泉流剛一沼疏泉
種梅梅已成梅皎潔兮泉清冷萬頃寒光浸明月一枝
疎影涵清冰翠禽亭亭花外宿白鳥洋洋波面浴天然
畫出西子湖彷彿移來博羅谷隱君真能耐歲寒迥無
半點紅塵干或時對花鼓焦尾或時汲月煎龍團左招

姑射仙右揖凌波女翩然跨青鸞調笑啓玉齒我方受
此塵網纏因風渴想梅花泉安得飲泉花底眠我歌君
和逍遙篇拋却宇宙三千年

存素堂為釣灘鄭璠賦

登山莫登兮太行過峽莫過兮瞿塘太行羊腸路九曲
前車未傾後車覆瞿塘風浪高于山往往能沈舟萬斛
何如存素心自足終歲無滌亦無辱青蔬種熟五畝園
綠蘿結就三間屋栽夏籜兮為冠製秋荷兮為服風姿

皎若冰壺清寧肯紛紛溷流俗有時醉擊土鼓兮歌豳
風有時醒捧窪樽兮飲谿淥但得安貧隨所欲一任朱
門厭粱肉君不聞吳子胥功成敗越棲會稽云何竟賜
屬鏤劍遺屍濺血乘鷁夷又不聞秦李斯掀天相業何
巍巍一朝雲陽受誅戮却思上蔡東門時古來英雄人
得喪盡如此有功何足云有勢何足恃但將存素當良
田毋使嘉苗混豐芑

惜去青船楊同府命作

東南島夷居海中雞鳴夜半扶桑紅何年徐福來仙樂
至今宗派傳無窮平居自負乘潮慣累歲頻年作邊患
來如鬼蜮少人知去若烏鳶忽驚散堂堂天朝臨九州
虎頭將軍材且優號令一出重山嶽突上萬斛龍驤舟
風檣陣馬不可遏烈火飈馳星箭發窮追極討際三韓
要使根株盡巢穴歸去中流揚凱歌揭天畫鼓喧靈鼉
捷牛醜酒徧行饗三軍鼓舞歡聲多乃知聖明今用武
不在深溝與高壘乘機應變捷有神萬斛龍艘最輕利

況逢四海為一家東踰若木西流沙寸天尺地皆入貢
梯航玉帛來京華如何黑子彈丸地尚學怒螳奮雙臂
跳踉貫勇當車前安得不成齏粉碎龍驤兮龍驤爾能
禦海安邊疆一朝遽作斷溝棄使我收淚含悲傷君不
見晉朝王師破吳日萬櫓千艘一時集橫江鐵鎖竟銷
沈獨數龍驤功第一

瞻綠軒

朝歌湘靈曲暮吟衛武詩綠竹久不見俛仰令人思綠

竹猗猗今在目千竿萬竿森似束月來瑣碎影篩金風
過玲瓏聲戛玉初疑家居渭水濱又疑身住淇園村鷓
鴒朝朝叫陰雨鳳皇夜夜宿寒雲紅塵半點不能入蒼
雪尋常隨衣濕六逸風流豈足誇七賢瀟灑應難及客
來幾度問平安旋挑紫笋煎龍團陽春白雪有佳句往
往留在青琅玕如此軒居良不俗此君相對溫如玉何
須更種海棠花西園夜夜燒銀燭

醉閒歌

君不見夏履癸寵妹喜酒池運龍船糟堤長十里又不
見吳夫差寵西子姑蘇臺上宴良宵燭光燒雲半空紫
彼惟尚色不尚金窮奢極侈耽荒淫一朝運去金亦去
國亡家破靡蕪深何如醉閒翁花前挂壺酒嗚嗚唱銅
鞮欸欸拍銅斗醉來一任玉山頽涼颼吹墮白接羅烏
飛兔走俱不管龍爭虎鬪何曾知人知醉閒名不識醉
閒意醉人閒處可全生醒人忙處遭顛躓王醉鄉劉中
山吾將與爾同一閒剖污樽碎土鼓飲中八仙齊醉舞

回頭却笑楚三閭留得虛名亦何補

奉謝楊同府惠箋

九龍暖吐沈香水洗出金盆雪花紙半點纖塵不敢汙
分明只隔珠宮裏馮夷南來騎大鵬倒握雷斧驅雷丁
夜深偷入娑竭窟瑤瑤斲碎玻璃冰初疑鮫綃脫機杼
又疑白繭離霜杵一幅開來一幅新壓倒尋常千萬楮
東倭玉版不足稱西蜀薛濤空有名連城重價人莫識
千金抵換猶嫌輕伊昔黃門蔡倫造魚網麻頭盡稱好

爾來八萬四千秋流落人間為至寶至寶原來不易逢
君侯得自波斯中一朝分賜到茅屋陰崖便覺春融融
從此光芒動星斗機槍亂落旄頭吼欲脩五鳳文明樓
不是公輸運斤手況今作者多如雲騰蛟起鳳何紛紛
長楊獻賦總班馬去去好策凌煙勲既無五色錦繡段
又無一雙青玉案負侯之德良亦深一度開絨一汗顏
願侯早晚登三台大展濟世經綸才熙熙玉燭調春臺
一瓢甘雨從天來普令四海消炎埃千年泰運重重開

送魏汝賢之遼陽

朝鮮東去是高麗若說遼陽更在西馬谷春冰和雪凍
龍城秋草拂雲齊千家明月無砧杵萬壘寒風有鼓鼙
却歎浮生江海客年來幾處聽晨雞

灤河日日北風多歲晚猶乘一棹過土屋人家低似埵
壁門軍壘小如窩避人飢鼠偷紅粟呼伴鳴鴻下綠莎
今夜龍沙城外宿相思其柰故園何

八月龍岡草木凋名王射獵出天驕絨絛背日翻金鵝

羽箭穿雲落皂鵬得雋未頒紅
脰割鮮齊進紫蒲萄
闕氏醉倒穹廬底回首長安月正高

送吳素行之廣西

廣州南望海冥冥百丈牽江幾日程
鯨浪打船風不息
蜃灰塗屋雨初晴蠻巫祭鬼憑雞卜
島冠編氓事象耕
從此海隅成樂土尉陀焉敢更言兵

竹泉

竹裏清泉竹外溪
隱居渾似浣花西
年深不問蒼龍蟄

夜靜常留彩鳳栖十畝濃陰溥翡翠一泓寒碧浸玻璃
有時煮茗詩成處就向琅玕節下題

悼沈公禮太守

多病休文減帶圍一官迢遞嶺南歸雙鸞賜誥恩猶在
五馬行春事已非黃菊半籬閒暮雨紫荊雙樹自春暉
從今懶過西州路只恨平生故舊稀

江湖勝覽

筆床茶竈寄生涯來往煙波到處家帆影拂雲過九澤

猿聲啼月下三巴黃陵廟古多春草白帝城空有暮鴉
寂莫不須傷往事且沽樽酒浣梨花

送陳僉憲之京

少年通籍向金閨帝命觀風下浙西三尺龍阿持繡斧
五花驄馬鑿霜蹄范滂威望人爭仰桓典聲華孰與齊
此日輶車巡已徧仍陪鴛鴦上丹梯

雲石

謝却紅塵懶出山片雲孤石伴身閒散堆花逕何須砌

深護柴扉不用關。曾見白羊朝化去。慣看蒼狗暮飛還。
此中便是華陽景。誰道華陽隔世間。

和漱浦李千戶韻

虬髯年少羽林郎。曾侍先皇伐鬼方。玉帳風高圍壁壘。
牙旗雲冷卓沙場。非關衛霍功勲大。自是孫吳計策長。
料得將門原有種。麟臺圖像曉蒼蒼。

徐濟民見訪

鸚鵡湖頭泊釣槎。杏林仙子到仙家。陳蕃下榻緣徐子。

管仲尋盟為叔牙魚向荻花江上買酒從楊柳渡頭賒
相逢莫謂貧相棄共剪青燈話歲華

暮春寫懷

風風雨雨禁煙時過盡春光總不知桃李野垣花落早
蘼蕪江國燕來遲夜深簷溜寒無寐日晏厨煙濕未炊
多少同年皆顯達獨慚衰朽困天涯

宮人望月圖

龍腦香消寶釧溫梨花明月淡黃昏自緣妾命生來薄

非是羊車不到門

陸魯望像

筆牀茶竈載孤蓬
家住吳江震澤東
鬪鴨聲沈煙水冷
何人知是陸龜蒙

紅梅

金盤和露搗臙脂
寫出江南第一枝
好似太真初睡起
春寒賜浴華清池

蘭竹石圖

鷓鴣聲裏雨班班
一去鑾輿杳不還
日暮東風芳草綠
無人更上望夫山

紫莖綠葉謾紛紛
鷓鴣聲中欲斷魂
回首楚湘春水濶
不知何處望王孫

棠梨白頭公

唐家羯鼓寢園空
猶有棠梨一樹紅
幽鳥似關興廢事
白頭無語立東風

雪山圖

萬壑千巖凍不開
瓊樓玉宇似天台
黃精香冷無尋處
悞却劉郎采藥來

秋蝶

秋來風露漸淒涼
色褪宮黃粉褪香
不比未央年少日
一雙飛上玉釵梁

題道士扇

九轉神丹已脫胎
麻姑約我到蓬萊
三花樹底盤桓久
只待秋風白鶴來

袞塵馬圖

霧鬣風髯汗血過也曾千里渡流沙
絲韁不受黃門控閒向東風滾落花

蒲萄

宴罷瑤池夜未央歸來帶得紫雲漿
劉郎命薄無仙分只識金盤露水涼

桃花白頭公

小桃花謝又花開閒却當初玉鏡臺
為問白頭花底鳥

劉郎去後幾時來

檜樹提壺

不到臨邛市上沽
春禽終日叫提壺
綠陰遮滿城南路
忘却文君舊酒壚

太公釣魚圖

炮烙煙生醢鄂侯
人心天命已歸周
如何未入非熊兆
尚向磻溪下直鉤

竹石棠梨

一片荒涼艮嶽峯竹枝歌罷寢園空不知龍駕歸何處
閒却棠梨一樹紅

屈原漁父圖

一從恩譴出鑾坡辭却襄王到汨羅漁父不知憂國恨
相逢但和濯纓歌

翫月圖

楚天空濶暮雲收銀漢無聲淡欲流十二欄干明月夜
人間看得幾中秋

買臣負薪

出山塵土入山雲
斫盡青山幾擔春
便是會稽乘五馬
也應羞見後車人

車盾囊螢

莫歎窮經未遇時
絹囊螢火夜光微
他年自有金蓮炬
天語從容勅賜歸

海棠白頭公

天寶繁華事已休
鑾輿西幸劍門遊
野棠零落春無主

啼得山禽也白頭

荔枝山鳥

茜紅衫子玉肌香
南國風流十八娘
若得青禽傳信早
不教顰鼓動漁陽

鵲鵲

綠幕黃簾紫府深
甘棠無樹不成陰
應知銜得金魚袋
來向東風送好音

粉紅牡丹

東風暗折錦雲堆
不待花奴羯鼓催
興慶池頭春宴罷
天香留得九霞杯

仕女戲嬰圖

粧罷紅綿玉鏡臺
花前含笑戲嬰孩
分明五采丹山鳳
飛入春風掌上來

仙山城樓

芙蓉城闕倚朝霞
十二瑤臺帝子家
絳節霓旌何處去
碧桃開落幾番花

鈎勒竹

秋風白戰楚江濤
雪捲空山見海鰲
一夜靈妃眠不穩
月明飛佩過湘臯

陳壽

早春曲

柳芽吐玉蘭芽小
羅幕凝寒覺春早
腸斷王孫尚未歸
東風已綠天涯草
瑩篴塵滿瓊簫卧
熏爐閒爇沈香火
惱儂題就抱愁眠
淚珠暗滴顰脂顙

春曉曲

銀箭銅壺漏聲歇
睨金鶯送殘月
柳裊煙絲歷亂垂
飛花撲帳春雲熱
夢回玉頰啼紅雨
戚戚中情向誰語
白馬郎君向何處
一隻青鸞鏡中舞

公無渡河

公無渡河公竟渡河
渡河公死公乎柰何
席其床兮黍其疇
公乎胡為而溺流大
呼呼公公不留心
摧腸斷彈瑩篋
嘈嘈招不起賢
凡小姑哭無已
妾身願作精衛禽

銜石西山塞河水

寓懷

霄漢苦未達支離媿此身
鳥啼雲嶂曉花落草堂春
爲問逢時者誰憐失意人
年年江海上空自怨青蘋

西湖懷古

東風吹馬動鳴珂
閒向蘇堤試一過
賈相宅前芳草沒
岳王墳上夕陽多
山城寂寂空啼鳥
湖水年年自綠波
嗟我況逢流落久
感懷其柰客愁何

謁伍員廟

一自將軍賜劍歸，夫差不覺墮讎機。
天荒地老英魂泣，國破臺傾霸業違。
吳郡舊愁明月在，越江遺恨怒濤飛。
靈祠寂寂空山裏，老樹蒼藤掩夕暉。

送賈明謫三江

賈生年少最能詩，謫向南方衆所悲。
萬里天涯嗟獨往，百年心事有誰知。
江山搖落猿啼處，海國蒼茫日暮時。
不久定膺宣室召，臨歧何必淚雙垂。

秋日武陵客舍寫懷

功業難成自可嗟
那堪旅食向天涯
滄江斷雁驚秋思
青鏡流年感物華
落日丹楓愁裏樹
故園黃菊夢中花
悠悠歸計何時定
獨對西湖苦憶家

風波世路信多艱
千里羈危未得還
慈母倚門垂白髮
故園回首隔青山
交游半達雲霄上
弟妹相親夢寐間
寂寞空齋誰顧問
只將詩句慰愁顏

放逐江潭歲欲深
形容顚顚獨行吟
看雲每動思親念

撫劍空懷報國心
島嶼微茫鄉土異
關河牢落雁書沈
晚來何處堪惆悵
斜日猿聲楓樹林


題畫

遠道西風落葉寒
蕭蕭孤塞上
長安關山不似人心險
游子休歌行路難

洞庭微雨曉生波
一棹雲山楚客過
綠徧蘼蕪歸未得
東風閒唱竹枝歌

楊花如雪正飛春
新水茫茫浸綠蘋
桃葉桃根何處是

東風愁殺渡江人



石倉歷代詩選卷四百